


例案續增 二 中



漢書門		九五七	二九	一	四〇
類	號	函	架	冊	

內閣文庫		漢書	九五七	二九	一	四〇
類	號	冊	架	函	冊	

內閣文庫		漢	9579
冊數	40	(4)
函號	296		98



刑部爲乞宥姪令事會看得馬忠兒戮傷曹佑

安巡撫帥 疏稱曹佑賣餅爲生馬忠兒賒欠曹佑餅錢二十四文

乾隆八年正月二十八日曹佑向索與馬忠兒口角曹佑撲扭馬忠

兒左

傷及曹佑眼角斜入鼻梁曹佑鬆手仆地延至四月初一日殞命馬

忠兒之父馬五聞知曹佑受傷深重慮子債命無倚亦于是夜自縊

殞命研訊不諱將馬忠兒擬絞並照存留承祀之例附請等因具

題前來應如該部撫所請馬忠兒合依鬪毆殺人律擬絞監候秋後

宜例內並無殺平人有准其承祀 但馬忠兒係常

例內並無殺平人有准其承祀 但馬忠兒係常

例內並無殺平人有准其承祀 但馬忠兒係常

例內並無殺平人有准其承祀 但馬忠兒係常

例內並無殺平人有准其承祀 但馬忠兒係常

例內並無殺平人有准其承祀 但馬忠兒係常

例內並無殺平人有准其承祀 但馬忠兒係常

例內並無殺平人有准其承祀 但馬忠兒係常

例內並無殺平人有准其承祀 但馬忠兒係常

貢發落准留

皇上格外隆恩倘蒙允行該撫將該犯枷示兩個月貢四板准其存留於祀照無力情輕例追埋葬銀一兩給付其親收領可也乾隆八年 月內奉

日馬忠兒從寬免死照例發落准留承祀餘依議

死者雖係獨子及年未老充犯留養

刑部為泣究匪命事該本部會同都察院大理寺會看得惠安縣民莊省戩傷駱烈身死一案據調任福建巡撫劉子義將莊省依律擬絞監候毛信等擬絞等因具題前來應如該撫所題莊省合依聞毆殺人者不問手走他物金刃並絞監候律應擬絞監候秋後處決再該撫查明已死駱烈之兄駱仰曾經過繼胞伯駱齊為嗣駱烈亦係獨子但伊父駱秦年僅四十九歲核之律言所載二十為老之義

則駱秦非係年老而莊省自幼過繼胞伯莊紉為子已故嗣母葉氏現年七十六歲家無次丁可否將莊省准其留養照例枷號追給埋葬銀兩發落之處出自

聖恩相應聲明恭候

諭旨遵行等因乾隆八年五月十四日奉

旨其省從寬免死照例發落准留養親餘依議

長隨亦准留養六出仍依律科斷

乾隆八年六月刑部會議覆奏革高密縣知縣王文鼎縱僕婪贓及失出逢元錦一案據獲東撫包疏稱查張二說事過錢誠與因人連累之例未符張二應遵駁改流但張二業已病故毋庸議王文鼎既審無道同受咎情應仍照原擬失出律笞四十已干本案革職照例折贖俱免徐昇亦照原擬流罪照例枷責留養于氏亦

應仍照原擬流罪收贖陳、馮楊欽趙坦均依前擬杖徒逢元錦已
干致死逢元林案內擬以斬決奉

旨改斬監候應于彼案從重歸結童雯獲日另結等因具題查此案先據
該撫審題臣部因案伏未符援引未協恐有匿犯推卸遷就附會情
弊是以駁令再加確審妥擬今該護撫既稱嚴加親訊委無匿犯遷
就捏詞附會情弊並援引未協之處遵駁改正等語應如該護撫所
題分得贓銀一百兩之徐昇合依枉法贓八十兩絞無祿人減一等
律杖一百流三千里但該護撫原疏內稱徐昇之母吳氏年已七十
四歲家無以次成丁應照例枷責准其留養等語查徐昇係王文鼎
任內長隨並非家奴與留養之例相符應將徐昇照例枷號四十日
責四十板准其存留養親以財行求之逢于氏說事過錢之張二合
依以財行求及說事過錢者與受財人同科亦應各杖一百流三千

里但查張二已經病故應毋庸議逢于氏係婦人照例收贖輾轉說
事之陳大鵬楊欽趙坦均合依說事過錢與受財人同科為從減一
等例徒三年至配所杖一百再該撫原疏內王文鼎雖審無受賄及
縱僕婪贓各情事但家人幕客串通婪贓漫無覺察而且聽從枉斷
混擬失出人罪昏庸不職百喙難辭王文鼎除失察家人犯贓輕罪
不議外查逢元錦係應擬斬決今失出止擬杖八十逢元錦尚未決
放王文鼎合依斷罪失于出者減五等又因未決放減一等通減六
等杖六十徒一年再依律除去逢元錦擬杖八十止笞四十已于本
案革職照例折贖俱色逢元錦已干致死逢元林案內擬以斬決奉
旨改斬監候應于彼案從重歸結等語均應如該護撫所題完結其餘鼎
等各名下所得贓銀照追入官脫逃之童雯應令該撫移咨該犯原
籍勒限緝獲另結再該護撫疏稱張二流罪業已遵駁改正錯擬枷

依案續地 卷二 三
責各官職名應請免開等語應將從前錯擬枷責各職名均照例免其查議可也奉

旨依議

毆妻至死存留承祀

刑部會議蘭撫黃 題兵丁傅可勇扎死伊妻馬氏一案緣傅可勇在聖容寺拉弓至晚回家欲鎖寺門至室尋鎖因馬氏不在連喚數聲始至傅可勇詈罵馬氏回詈傅可勇氣忿用拳擊打經嬸母魏氏勸釋次早傅可勇買西瓜歸坐門限用小刀削食復行責備馬氏馬氏不遜辱及父母傅可勇嚇以割舌馬氏往外奔跑傅可勇急免手攔擋不期小刀在手致扎馬氏右脇倒地殞命將傅可勇擬絞并請存留承祀等因前來應如所題傅可勇合依夫毆妻至死律擬絞監候再疏稱傅可勇因妻馬氏奔跑用手攔擋不期小刀扎中伊妻右

脇身死訊無故殺別情而該犯父母俱故再無承祀之人與例相符相應取具印甘各結送部等語查傅可勇與承祀之例相符應將承祀緣由聲明請

旨如蒙

俞 行令該撫傅可勇枷號兩個月責四十板存留承祀乾隆八年六月

初四日奉

旨傅可勇從寬免死照例發落准留存祀

捕役拷斃人命首從俱留養

刑部為稟報事會看得嶧縣捕役衛山等拷掛姚丁身死一案據調任山東巡撫晏 疏稱查乾隆元年十二月定例罪犯業經拿獲捕役借稱設法制縛誤傷其命者仍照已就拘執擅殺律以聞殺論科斷此案姚丁雖曾全姚姓等拒捕又曾代當賊贓分得錢衣衛山等

拿獲自應送官究擬何得拷掛致斃趙欽李夏凡雖毆打多傷但姚
丁之死寔由于衛山之懸掛將衛山依律擬絞監候趙欽擬流李夏
凡等分別擬杖革役并聲明衛山父母年逾七十趙欽有母鮑氏亦
年逾七十家無次丁援例附請留養等因應如該撫所題衛山合依
罪犯業經拿獲捕役借稱設法制縛誤傷其命者仍照已就拘執而
擅殺以聞殺論絞例應擬絞監候秋後處決再該撫疏稱衛山父母
俱年逾七十家無以次成丁而被掛身死之姚丁並非獨子與留養
之例相符取具印甘各結送部等語應將衛山所犯罪名并應侍緣
由照律聲明請

旨定奪倘蒙

聖恩准其留養行令該撫將衛山照例枷號兩個月責四十板仍照情重
無力例追埋葬銀二十兩給付屍親收領取具領狀報部趙欽毆係

致命合以爲從減一等律擬杖一百流三千里但該撫疏稱趙欽有
母鮑氏年逾七十家無次丁與留養之例相符等語應將擬流之趙
欽照例枷號四十日責四十板准其存留養親乾隆八年六月二十

日奉

旨衛山從寬免死照例發落准留養親其因失察捕役拷斃人命議以降
調之楊文燾俟伊任內事件交代清楚後該撫將伊居官如何之處出
具考語送部引見餘依議

竊盜傷人不得財亦生留養

乾隆八年七月刑部會議覆順德縣民區用愛行竊區亮日家拒捕
咬傷區亮日之妻何氏一案據廣撫王 疏稱緣區用愛素知區亮
日頗有積蓄乾隆七年三月三十日探知區亮日外出貿易是夜二
更時分攜帶削尖短木棍一條潛至事主門首空開牆孔入室行竊

時值黑暗踢動板凳聲嚮事主之妻何氏驚醒起身扭住區用愛衣服叫喊區用愛急圖脫身用拳毆傷何氏左腮頰何氏緊扭不放區用愛咬斷何氏左手中指推跌何氏脫身而走因路徑不熟絆跌仆地何氏扒起壓住區用愛大腿抓往腎囊時何氏同居夫兄區漢日之妻梁氏醒覺持火往招幫同叫喊隣人區滄日區亞瑞聞聲急視當將區用愛捉獲適更夫區用梅區載先聞喊往查區滄日等即將區用愛交給更夫解送何氏之父何長富亦卽具詞稟縣屢審不諱查何氏之傷雖經平復而手指已折律載竊盜棄財逃走事主追逐因而拒捕者依罪人拒捕律科罪又駢云毆人至折傷以上者絞各等語除區用愛竊盜已行不得財輕罪不議外將區用愛依律擬絞監候并聲明該犯父母俱年逾七十家無次丁附請留養等因具題應如該撫所題區用愛合依罪人拒捕毆人至折傷以上律擬絞

監候秋後處決再該撫疏稱區用愛有父區成與母梁氏俱年逾七十止生區用愛一子區用愛並未娶妻家無次丁區用愛雖曾拒捕傷人但因被扭情急圖脫並非護贓格聞且未致死又未得財取有印甘各結送部可否將區用愛存留養親相應開明應侍緣由恭候

聖鑒等語理合照例奏

聞取自

上裁倘蒙

聖恩准其留養行令該撫將該犯杖一百枷號兩個月折責四十板該撫既稱區用愛並無伯叔弟兄伊父區成與時值外出探親亦不知情行竊木棍據供丟棄無憑起追事主區亮日更夫隣人區用梅等俱經訊明省釋等語應毋庸議再該撫疏稱本案止係一人行竊並無同黨亦無窩線疎防職名應免開叅等語相應照例免其查叅奉

旨區用愛從寬免死照例發落准留養親餘依議

嫡母有子庶母之子不准留養

乾隆八年九月刑部議覆廣撫王 咨稱順德縣民馮尹豪等在新會縣屬內張昭國家私鑄錢文未成即被首獲一案查例載如有甫經置造私鑄器物尚未鑄錢被獲審寔者將起意為首弁同夥商謀之人均照偽造印信未成為首律問擬今據馮尹豪為首起意張昭國何清秀同夥商謀均合依私鑄未成例杖一百流三千里但出首之張廷耀係張昭國無服族叔張昭國應照無服親首告律減一等杖一百徒三年至配所折責四十板俟徒限滿日遞回原籍約束不許出境何清秀故父何顯燦之妻李氏生子何清法何亞颺妾李氏止生何清秀一人兄弟三人久已分居各膳其母今何清秀犯法應流生母李氏現年七十七歲別無同母兄弟所生一子年僅四歲尚未成丁奉養無人業經查取印甘各結應否照留養之例將何清秀枷號四十日滿日折責四十板准其存留養親聽候部示馮尹豪有妻張氏聽候命遣各犯尚未鑄錢得利家產請免籍沒地保潘業候隣佑劉道舒及張廷耀查知稟報照例免議起獲私鑄器具分別銷燬變價入官各犯訊無同居親屬知情應無庸議再本案馮尹豪等甫經設爐謀鑄即經保隣密稟該縣帶同典史王彬移會營員拿獲通報所有文武失察職名應請免開除咨吏部戶部兵部工部外擬合咨達等因查定例軍流徒犯未經發配以前告稱祖父母父母老疾家無以次成丁者州縣官出結督撫確察報部軍流徒犯照數決杖徒犯枷號一個月軍流犯枷號四十日俱准留養等語此指親年已逾七十該犯寔係獨子除本犯外別無侍養之人者而言今何清秀雖係庶母所生伊母李氏年逾七十然現有嫡母所生之何清法

秀雖係庶母所生伊母李氏年逾七十然現有嫡母所生之何清法

何亞颺兄弟二人可以待養何清秀與留養之例不符應行令該撫照例定地發配餘俱應如該撫所議完結其馮尹豪何清秀僉妻之處應令該撫訊明本犯及妻果否愿僉照例辦理報部仍令該撫照例于年底彙題至馮尹豪等設爐謀鑄該縣移會營員拿獲失察職名應否免開之處事隸吏兵二部該撫既經咨明應聽吏兵部查議仍知照廣撫可也

秋審減等流犯准留養

刑部爲欽奉

上諭事議得福建巡撫周 疏稱楊東係致死陳雄依共毆人因而致死以下手致命傷重律擬絞監候之犯經乾隆三年至七年秋審俱緩決嗣准部咨欽遵

恩旨議將該犯減擬杖流茲據按察使儲 詳稱據楊東之母蕭氏現年

七十六歲家無以次成丁而被毆身死之陳雄現有胞兄陳雅並無捏飾情弊取具印甘各結送部等語應如該撫所請將楊東照例枷號兩個月滿日杖一百折責四十板准其存留養親仍于該犯名下照追埋葬銀二十兩給付死者之家收領取具領狀送部查核等因乾隆八年十二月初二日奉

旨依議

毆死妻誣告人准留承祀但承祀與留養不同仍照誣告律杖流加徒

刑部爲妻命慘死事會看得王有來毆妻黃氏身死誣告許康侯喝令致斃一案據湖撫晏 疏稱緣王有來原係高元家僕王有來借得東寺僧房因破漏需瓦添補在伊王已賣屋上揭瓦數十片經屋主許康侯投鳴隣保項大玉等驗明斥責王有來受責在家詈罵伊

妻黃氏理言規阻乃王有來益忿遂毆黃氏傷重殞命王有來挾嫌
卽以許康侯喝令家人許超慶等打死各虛情投鳴保隣報縣歷審
不諱將王有來擬絞并聲明援例承祀等因應如該撫所題王有來
依夫毆妻至死律擬絞監候秋後處決再王有來與承祀之例相符
但誣告許康侯喝令許超慶毆死伊妻寔屬全誣律應擬流加徒查
律載二罪俱發從重論今該犯毆妻至死擬絞重罪如蒙

允准承祀寔止枷責完結其罪反輕于誣告且承祀與留養不同蓋遺所
亦可承祀可否將該犯准其存留承祀仍照誣告律杖流加徒以符
從重本律之處等語應將王有來應行承祀緣由聲明請

旨定奪倘蒙

聖恩准其承祀仍將王有來杖一百流三千里至配所加徒役三年乾隆
九年三月二十七日奉

旨王有來從寬免死准留承祀餘依議

承祀免死仍擬餘罪

乾隆九年四月刑部會議覆王有來毆妻黃氏身死誣告許康侯致
斃一案據湖撫晏 疏稱王有來原係高元家僕高元將屋賣與許
康侯爲業遷往鄉間因王有來不諳農功令其自居有來借得東寺
僧房一間因破漏需瓦添補在伊王已賣屋上揭瓦數十片適許康
侯僕許安瑞窺見告知康侯投鳴隣保項大玉等驗明斥責大玉以
有來揭瓦無幾勸釋而散詎王有來受責在家詈罵伊妻黃氏理言
規阻王有來益忿掌毆黃氏血盆及胸膛前肋當經同居吳氏聞喊
往勸王有來隨亦出外詎黃氏傷重殞命王有來挾嫌卽以許康侯
喝令家人許超慶等打死虛情投鳴保隣報縣驗詳屢審不諱將王
有來擬絞併聲明援例承祀等因具題應如該撫所題王有來依夫

毆妻至死律擬絞監候秋後處決再該撫疏稱王有來父母俱故並無兄弟亦無子嗣取具保隣族長甘結併地方官印結聲明請

旨存留承祀等語王有來與例相符但誣告許康侯致死伊妻寔屬全誣

律應擬流加徒查律載二罪俱發從重論今該犯絞抵重罪如蒙

允准承祀寔止枷責完結其罪反輕于誣告且承祀與留養不同蓋遺所

亦可承祀可否將該犯准其存留承祀仍照誣告律杖流加徒以符

從重本律之處等語應將王有來應行承祀緣由聲明請

旨定奪倘蒙

聖恩准其承祀仍將王有來杖一百流三千里至配所加徒役三年奉

旨王有來從寬免死准留承祀餘依議

行竊拒捕擬絞之犯准留養窩盜分贓之犯不准留養

刑部為報明被劫事據蘇撫陳 咨稱奉部題結盜犯張謙等行劫

江都縣陳膺科典舖案內窩犯唐玉依窩存竊盜二名以上坐家分

贓例僉妻發邊衛充軍正在請咨發配間據伊母唐徐氏稟稱氏子

發配在卽氏年七十三歲家無次丁子身無依勢必命填溝壑惟叩

填註文內氏子媳三人充發等情查盜犯原無留養之例而題結軍

流徒犯及免死流犯未經發配以前告稱祖父母父母老疾家無以

次成丁定例俱准存留養親又查乾隆八年八月內刑部議復廣撫

王 題區用愛行竊區亮日家拒捕咬傷區亮日之妻何氏一案將

區用愛依律擬絞因親老丁單准其留養在案今唐玉係窩盜之犯

尚非正盜可比且罪止擬軍與賊犯區用愛擬絞者輕重又復相懸

似應准其留養茲傳訊唐玉地隣人等僉供該犯之母徐氏現年七

十三歲家無次丁取具印甘各結相應咨達等因前來查區用愛留

養之案因該犯原係鼠竊被迫情急計圖脫身咬傷事主手指情尚

可原是以准其留養今唐玉係窩留強盜坐地分贓之犯與竊盜區用爰案情不同應將該撫咨情留養之處毋庸議仍令該撫將該犯卽行發配可也 乾隆九年五月

私造鉛錢首犯親老准留養

刑部爲察獲奸民等事會看得張四私鑄鉛錢一案據蘇撫陳 疏稱張四用鉛私造乾隆錢千餘文房主保隣人等俱不知情迨張四與隣人口角保正朱氏望處和張四以錢八十四文致謝攙入鉛錢九文被朱氏望察知首報拿獲屢審不諱將張四擬絞監候附請留養等因具題前來應如該撫所題張四合依私鑄鉛錢照私鑄銅錢原律爲首例應擬絞監候秋後處決再該撫疏稱張四係屬鄉愚因貪謀利致陷法網情有可原今伊母沈氏年已七十三歲家無次丁查乾隆三年署蘇撫許容題吳縣江瑞雲等私鑄攙和行使一案將

爲從擬以絞決之顧維均聲明情有可原附請留養准部覆允在案今張四雖非爲從但覈其情節非開爐夥衆私鑄銅錢者可比取具印甘各結送部可否准予留養附疏聲明等語應將張四所犯罪名並應侍緣由聲明倘蒙

聖恩俞允准其留養將張四照例枷責乾隆九年五月初四日奉

旨張四從寬免死照例發落准留養親餘依議

搶奪爲從擬流之犯親者留養

刑部爲搶奪現獲叩乞究黨事看得朱國先攜帶銀兩被羅朝三等搶奪一案據護廣撫託 疏稱羅朝三等假作行人前後分走吳國彥將朱國先背後攔腰抱住按倒在地溫勝禧上前捉住朱國先之手羅朝三盧九四轉身共按其脚吳君彥放手起身以膝壓住朱國先上身先後解取兜肚纏袋與溫勝禧分攜各執奔竄朱國先在後

例案續編 卷二 吳
喊追李海及倫敦汎兵陳洪光等聞聲追捕當獲羅朝三等供認不諱將羅朝三溫勝禧盧九四吳君彥均擬流盧九四之母李氏現年七十附請留養等因具題前來應如該護撫所題除爲首起意商謀搶奪得贓應擬絞之伍允中應俟獲日審明另結外羅朝三溫勝禧盧九四吳君彥均合依爲從減等律應刺字杖一百僉妻流三千里至配所折責四十板該撫旣稱盧九四之母李氏現年七十止生盧九四一人家無次丁與留養之例相符應請將盧九四照例枷號四十日滿日責四十板准其存留養親獲贓給主未起之贓應于各犯名下追賠獲犯汎兵陳洪光等先經該縣訊明照例給賞應免提訊等語應將盧九四照例杖一百枷號四十日滿日折責四十板准其存留養親餘均應如該護撫所題完結可也乾隆九年五月二十一日奉

旨依議

癱病未老其子殺人准留養

刑部爲報明事會看得李儒毆傷伊妻張氏身死一案據署湖撫阿疏稱李儒令張氏取水洗澡張氏不允李儒詈其懶惰氏卽抱幼子進房咒罵李儒卽自取水洗澡赴場收穀歸家張氏閉門不應當喊伊母王氏携燈撬門看視張氏已將半歲幼子悶死李儒情慘用右手毆打張氏一拳適中張氏左後脇倒地跌傷右肱肘殞命屢審不諱將李儒擬絞併聲明援例留養等因前來應如該署撫所題李儒依妻有他罪不致死而夫擅殺律擬絞監候秋後處決再李儒之父李輝吉現年五十二歲染患癱病醫治不愈止生李儒一子家無次丁取具印甘各結送部等語查與留養之例相符應將李儒所犯罪名并應侍緣由奏

聞倘蒙

聖恩准其留養行令該撫將李儒枷號兩個月責四十板乾隆九年七月二十三日奉

旨李儒從寬免照例發落准留養親餘依議

故殺胞弟尚有出繼異姓親弟不准承祀及未獲身屍不無錯誤

部駁

刑部爲稟明事會議得張天祿捆溺胞弟張天爵身死一案據署湖撫阿將張天祿應依擬絞并援引俞長庚免其歸宗之案取具各結聽候部議等因前來查該撫將張天祿依故殺期親弟妹例擬以絞候又援引弟殺兄之例奏請承祀查張天祿之弟張紹烈繼與汪以唐爲子既係乞養異姓卽應照律歸宗乃以爲家無承祀之人援案聲請已屬不合况張天祿將張天爵細縛因其詈罵推溺水中斃命

顯係謀故重情乃不詳查律例遽請承祀更屬不符再查命案以屍傷爲憑張天爵于七月二十日夜推溺斃命至八月初一日經張紹烈投保報縣甫越十日屍軀未至潰爛何以閔查下游州縣久撈無獲况檢閱供詞吳文章止稱見河下一屍流至河心裡往姜馬頭小河去了等語而李大明又並未認明落水之人的係張天爵如此供情閃爍其間又恐不無錯悞事關人命不便率結應令該撫再行詳審妥擬且題到日再議乾隆九年八月初二日奉

旨依議

繼父年老留養

刑部爲毆斃妻命事會看得鞏金策誤傷羅宏之妻張氏身死一案緣鞏金策遇羅宏之于羅栢鞏金策向索欠角口互相扭結羅宏聞聲持棍出毆鞏金策頂心偏左鞏金策奪棍回毆羅宏拾斧揚起欲

砍鞏金策棄棍雙手奪住斧柄適羅宏之妻張氏聞聲趨至鞏金策背後拉其臂膊鞏金策情急用力一扯羅宏鬆手致斧嘴順勢後揚挫傷張氏左額角倒地殞命將鞏金策擬絞監候并援案留養等因具題前來應如該撫所題鞏金策合依闖毆而誤殺旁人律擬絞監候秋後處決再查乾隆二年九月內臣部等衙門議復原任蘇撫邵題李文進毆傷無服族兄李文玉身死緣李文進自幼繼與胞叔李君安為嗣李君安年已七十九歲家無次丁可否留養恭候

欽定等因其題奉

旨李文進從寬免死照例發落准留養親餘依議欽此欽遵在案今鞏金策自幼繼與胞叔鞏岳為子鞏岳年逾七十家無次丁查與李文進一案情罪相同可否准其留養恭候

欽定倘蒙

聖恩准其留養行令該撫將鞏金策枷責追埋給領乾隆九年八月初四

日奉

旨鞏金策從寬免死照例發落准留養親餘依議

誘拐擬絞之犯親老留養

刑部為飭發事會看得張起鳳誘拐余鍼家婢女桂香一案據署湖撫阿 疏稱張起鳳與余鍼住居相近不時往來張起鳳經過余鍼門首見桂香獨立門前起意拐賣假稱引帶看戲桂香幼穉無知竟爾同走張起鳳藏匿伊親魏興隆家余鍼即稟漢陽同知查獲桂香緝獲張起鳳到案屢審不諱將張起鳳擬絞魏興隆擬以枷責并聲明張起鳳母老丁單援例留養等因前來應如該署撫所題張起鳳依誘取婦人子女不分良人奴婢已賣未賣被誘之人若不知情為首例擬絞監候秋後處決再查張起鳳有母李氏現年七十六歲止

生該犯一子該犯雖有兩子俱屬幼穉尚未成丁據該縣府取具各
結與流養之例相符相應聲明恭請

諭旨遵行等語應將張起鳳所犯罪名並應侍緣由附疏聲明恭候

欽定倘蒙

聖恩准其留養行令該撫將張起鳳枷號兩個月責四十板乾隆九年八
月初九日奉

旨張起鳳從寬免死照例發落准留養親餘依議

出繼異姓犯罪後歸宗留養

刑部爲結狀事看得王學子毆傷王慶重之妻武氏中風身死一案
據山西巡撫阿 疏稱緣王學子與王慶重同院居住乾隆八年九
月十五日王學子飲人醉鄉欲赴地挑禾因尋覓扁担無獲在院混
罵王慶重理責不服遂行掌打王學子亦卽欲回手爭鬪時武氏目

擊王學子不遜轉手欲取器械毆打王學子拾磚擲擊希與嚇阻不
期中傷武氏髮際因傷處中風至十月初二日殞命將王學子依律
擬流并聲明父老丁單照例留養等因前來應如該撫所題王學子
合依原毆傷輕不至于死越數日因傷風身死將毆打之人免其抵
償例杖一百流三千里該撫旣稱王學子本係邢姓律應歸宗伊生
父邢國柱現年七十三歲止生王學子一子別無次丁取具印甘各
結送部等語王學子與留養之例相符應照例枷號四十日滿日杖
一百折責四十杖准其存留養親王吉重乞養異姓爲子邢國柱以
子與異姓爲嗣均應律擬但事在屢次

恩赦以前應行免議均應如該撫所題完結可也乾隆九年九月初八日
奉

旨依議

繼母年老留養

刑部為查報事會看得吳三毆傷王小三身死一案據陞任安撫范疏稱緣王君彩幼子王小黑在吳三地內採摘麥穗吳三見而嗾罵欲毆王君彩護子致相吵鬧吳三用木杆毆打王君彩左胎膊一下王小三奔勸斥責吳三之非吳三嗔其袒護隨手用杆向擊適中王小三腦後跌地逾時殞命屢審不諱將吳三擬絞附請留養等因應如該撫所題吳三合依聞毆殺人律擬絞監候秋後處決再查乾隆七年十一月內臣部議覆蘇撫陳題吳江縣徐德文等毆死牛洪宇一案將徐德文依共毆人致死律擬絞監候因該犯繼與伊伯徐君美為子徐君美年已七十有四家無次丁徐德文與留養之例相符照律開具所犯罪名并應侍緣由恭候

欽定等因題覆奉

旨徐德文從寬免死照例發落准留養親餘依議欽此欽遵在案今吳三自幼繼與伊伯母吳桑氏為子該氏年逾七十孤貧無依惟賴吳三養贍家無次丁亦無應繼之人其被毆身死之王小三現有胞兄王芳訊非孤子取有印甘各結送部吳三與徐德文留養之案相符應開具所犯罪名并應侍緣由附疏聲明恭候

欽定倘蒙

聖恩准其留養行令該撫將吳三照例枷號兩個月責四十板仍照無力情輕例追埋葬銀十兩給付屍親收領可也乾隆九年十一月初一日奉

旨吳三從寬免照例發落准留養親餘依議

毆死無名乞丐難查是否獨子其犯親老應侍即准留養刑部為報明事會看得林萬樹毆傷不知姓名乞丐身死一案先據

湖撫晏 將林萬樹擬絞并聲明該犯供係獨子俟確查至日另結等因具題經臣部等衙門議覆將林萬樹以聞毆殺人律擬絞監候秋後處決林萬樹果否獨子應如該撫所請俟查核明確具題到日再議等因奉

旨林萬樹依議應擬絞監候餘依議欽此今據湖撫晏 疏稱四川成都縣閩稱訊據族人等僉供林萬樹委係獨子祖母葉氏母蘇氏俱係孀居家無次丁巳死之乞丐是否父母尚存有無兄弟屢次招示無人出認若以查無屍屬將林萬樹擬抵致老年之祖母及母無人侍養等語應將林萬樹准予留養之處照例聲明恭候

欽定倘蒙

聖恩准其留養行令該撫將林萬樹遞回原籍柳號兩個月責四十板照例追埋貯庫俟有屍親到案給領如果無人卽行入官可也乾隆九

年十一月二十二日奉

旨林萬樹從寬免死照例發落准留養親餘依議

被殺僧人有姪克犯准留養

刑部爲報究事會看得毛興毆傷僧人盧仕上身死一案據湖撫蔣疏稱緣盧仕上有田三斗賣與毛興母舅毛凌雲盧仕上之姪盧庶士僞造贖約令盧仕上勒贖不遂控縣審寔將田斷毛凌雲管業毛凌雲倩毛興割禾盧仕上攔阻奪槍毛興鎌刀毛興手推盧仕上仰跌木桶跌傷左勒隨即扒起拾担截傷毛興胸旁毛興順接扁担互奪致担頭竹釘劃傷盧仕上額顛毛興恐被奪去毆打揮拳翼打其手不意適中盧仕上心坎倒地是夜殞命審認不諱將毛興擬絞并聲明留養等因具題前來應如該撫所題毛興合依聞毆殺人律應擬絞監候秋後處決再該撫疏稱毛興之父毛成萬年已七十三

刑案續錄 卷二 三
歲止有毛興一人家無次丁已死盧仕上父母俱故又有伊姪盧庶
士毛興與留養之例相符等語應將毛興所犯罪名并應侍緣由奏
聞倘蒙

聖恩准其留養將毛興枷號兩個月責四十板仍照例追埋墓銀二十兩
給付屍親收領乾隆十年三月初八日奉

旨毛興從寬免死照例發落准留養親餘依議

毆死他人奴婢有兄出繼准留養

刑部爲報鳴事會看得張九毆傷張岐生身死一案據蘇撫陳 疏
稱張九係陳子旺船上水手張岐生係饒維占家世僕在鄭鳴岐船
上帮工乾隆八年九月初四日陳子旺之船與陳鳴岐之船一同裝
鴨過江至江寧縣江東門行內交卸後張九同本船水手翁天吉陳
尚國并鄭鳴岐船上水手吳小與張岐生一共五人在鴨行 計得

酒錢一百八十文同回鄭鳴岐船上除公共沽酒去錢四十八文餘
錢一百三十二文經張岐生作主每人分得二十五文餘錢七文張
岐生欲行獨得張九不允致相爭鬧張岐生扭打張九張九用拳還
毆致傷張岐生胸膛偏左張岐生又復向毆張九又用拳回毆致傷
張岐生臍肚偏左經翁大吉等勸散詎張岐生久患瘧疾兼受重傷
殞命屢審不諱將張九擬絞附請留養等因具題前來應如該撫所
題張九合依良人毆傷他人奴婢死律擬絞監候秋後處決再該撫
疏稱張九之母張氏現年七十二歲雖有長子張彩言幼繼伊伯張
起龍爲嗣久經外出不知去向家無次丁張九寔係獨子已死之張
岐生之父母俱故尚有胞弟張洪毛張九寔與留養之例相符取具
印甘各結送部再張九致死張岐生傷非金刃毆止二處尚屬情輕
該犯又係水手營生係屬無力等語應將張九所犯罪名并應侍緣

由聲明請

旨倘蒙

聖恩准留養親行令該撫將張九照例枷責仍追埋葬銀兩給付屍親收

領乾隆十年四月初十日奉

旨張九從寬免死照例發落准留養親餘依議

毆殺小功服叔照弟毆胞兄父母年老家無次丁之例改斬監候
刑部爲活殺夫命事會看得詹堅致傷小功服叔詹慶身一案福
撫周 疏稱緣詹慶王詹堅家催銀角口詹慶將詹堅手中米筐掀
倒詹堅用拳架格悞傷詹慶唇吻時詹堅之母葉氏聞嚷出勸詹慶
卽將葉氏扭住欲毆詹堅情急向欵用一推適中詹慶心坎倒地
殞命屢審不諱將詹堅依律擬以斬決字並聲明母老子单等因
應如該撫所題詹堅合依卑幼毆本宗大功以下尊屬死者斬律擬

斬立決再查詹堅致傷小功服叔倫紀攸關律應斬決與尋常毆打
命案親老子单應請留養有間如將詹堅照例枷責未免過輕查乾
隆六年四月內臣部等衙門議復蘭州巡撫元展成題彭希賢扎傷
小功服兄彭光有身死一案該撫將彭希賢擬以斬決附請留養經
議復將彭希賢照晉撫覺羅石 題許直扎傷胞兄許成身死附請
留養一案弟殺胞兄父母年老家無次丁之例改擬斬監候秋後處
決並請凡毆死大功小功尊長家無次丁附請留養援照弟毆胞兄
致死留養擬斬監候之案以可一體入于緩決內另冊進 呈等因
奉

旨彭希賢依擬應斬着監候秋後處決餘依議欽遵在案今詹堅致傷小
功服叔詹慶身死該撫旣稱該犯之祖母張氏年八十九歲母葉氏
年六十九歲家無次丁等語應將詹堅照弟殺胞兄父母年老家無

次丁之例改擬斬監候秋後處決秋審時一體入于緩決內另冊進呈等因乾隆十年四月二十一日奉

旨詹堅律擬應斬着監候餘依議

致死之人律得歸宗現有兄弟照例留養

刑部議覆湖撫蔣 題張遠舉毆傷楊茂先身死一案應如所題張遠舉依鬪毆殺人律擬絞監候秋後處決再查張遠舉之母陳氏現年八十四歲止生該犯一人家無次丁而已死之楊茂先本係梁姓之子律得歸宗生撫父母俱故現有伊弟梁隆武梁聖先二人取有印甘各結送部查與留養之例相符應將張遠舉所犯罪名并應侍緣由奏

聞倘蒙准其留養將張遠舉照例枷號兩個月責四十板仍照有力情輕例追埋葬銀三十兩給付屍親收領乾隆十年四月十五日奉

旨張遠舉從寬免死照例發落准留養親餘依議

兄弟同犯發遣徒罪親老應侍將徒犯枷責留養

刑部咨為稟報事會看得永定縣民李常天等私造鉛錢一案據福建巡撫周 將李常天依例擬絞監候李接林擬流等因查李常天與李接林共造鉛錢二百六十文尚未染色情有可原應將李常天照私造鉛錢不及十千為首請

旨發遣例相應聲明恭候

上裁倘蒙

俞允行令該撫將為首之李常天發雲貴川廣烟瘴少輕地方查明妻室發遣李接林合依為從減一等徒三年至配所杖一百折責四十板該撫既稱房主溫偉昭保甲廖孫魯關蘭輝隣佑廖萬珊吳能柱俱訊不知情均毋庸議起獲鉛錢器具等物飭令銷燬鉛勛變價入官

等語均應如該撫所議完結再該撫疏稱李常天李接林有祖母鍾氏年已九十三歲李接林繼父李會孫已經身故而李常天現擬絞罪家無次丁李接林寔與留養之例相符取具印甘各結送部等語查李常天現改擬遣李接林減等擬徒查例載軍流徒犯未經發配以前告稱祖父母父母老疾家無以次成丁者州縣官出結報部徒犯照數決杖枷號一箇月准存留養親等語今該撫既稱李接林祖母鍾氏年已九十三歲繼父李會孫已故家無次丁李接林與留養之例相符應將李接林照例枷號一個月責四十板准其存留養親等因乾隆十年四月十九日奉

旨依議

毆妻致死承祀

刑部爲報明事會着得周明文砍傷伊妻胡氏身死一案據護河撫

趙 疏稱緣周明文鋤田飢餓回家覓食見胡氏閒坐灶前尚未造飯斥責其非胡氏不服出言挺撞周明文辱罵胡氏胡氏回罵并辱及翁姑周明文拾取灶前鉄斧恐嚇胡氏用頭向撞周明文情急持斧抵拒不期傷及胡氏腦後偏左倒地殞命屢審不諱將周明文擬絞等因應如該撫所題周明文合依夫毆妻至死律擬絞監候秋後處決再該護撫疏稱周明文因胡氏罵及翁姑持斧恐嚇繼因胡氏用頭向撞一時情急砍傷身死並無故殺別情周明文父母俱故查無兄弟子嗣承祀乏人取有印甘各結寔與存留承祀之例相符等語應將周明文應行承祀緣由聲明請

旨如蒙

聖恩准其承祀臣部照例行文該撫將該犯枷號兩個月責四十板存留承祀乾隆十年六月內奉

旨周明文從寬免死照例發落准留承祀

承繼伯父留養

刑部爲稟明事會看得孫士龍戳傷陸上有身死一案據浙撫常疏稱緣陸上有問孫士龍買桑葉孫士龍悞給令王二向陸上有討回一担葉票孫士龍賴葉陸上有將士龍詈罵孫士龍氣忿卽用傘柄從陸上有背後一戳陸上有右後脇殞命屢審不諱將孫士龍擬絞附請留養等因應如該撫所題孫士龍合依聞殺人律擬絞監候秋後處決再該撫疏稱查孫士龍本生父孫君甫雖止該犯一人因伊伯孫蘭如乏嗣長房大宗不容絕嗣本宗又別無應繼之人將該犯從幼承繼伊伯爲後本生父母俱故該犯亦夫有子繼母孫氏現年七十二歲該犯應承兩房裡祀伏查乾隆七年八月間刑部議覆蘇撫陳題呂叔達毆傷張啓賢身死一案因呂叔達自幼繼與伊

伯呂棟伯爲嗣繼母劉氏年逾七十家無次丁而該犯父母俱故例得宗祀兩房裡祀照例准其留養在案相應援照聽候部議等語查孫士龍與呂叔達之案相符應將孫士龍所犯罪名并應侍緣由奏聞恭候

欽定倘蒙

聖恩准其存留養親行令該撫將孫士龍枷號兩個月責四十板仍追埋葬給付屍親收領乾隆十年六月內奉

旨孫士龍從寬免死照例發落准留養親餘依議

克犯之母青年守節准留養

刑部題爲舉報事該臣看得石兆林毆傷陳小廝一案據安撫程疏稱緣雍正九年六月初二日石兆林在集賣烟陳小廝在集頑耍先取烟吃石兆林見而未阻繼復撮取其烟石兆林用手一推陳小

廝卽出言詈罵石兆林掌批其腮頰傷連左耳根陳小廝在地撒賴仍辱詈不已石兆林因生意正忙又用脚踢嚇其回去不意踢傷陳小廝受傷奔歸延至初七日殞命歷審不諱石兆林依律擬絞監候等因具題前來據此應如該撫所題石兆林合依聞毆殺人律應擬絞監候秋後處決該撫疏稱石兆林之父早亡伊母王氏止生石兆林一子孀居苦節相依爲命哀懇留養而陳起祚尚有子三人陳小廝並非獨子但王氏年止四十二歲與例未符理合陳明等語查定例內開祖父母父母老疾家無以次成丁者開具所犯罪名併其應侍緣由奏

聞今石兆林之母王氏年止四十二歲並非老疾與例不符應無庸議雍正十年七月內奉

該撫既稱石兆林之母青年守寡若節撫孤而屍親陳起祚亦呈請免

抵石兆林准其存留養親仍追埋葬銀兩給付死者之家

逞兇聞毆斃命遽援孀婦獨子留養駁

刑部爲飭委事會議得張連毆傷楊王氏身死一案據東撫喀將張連依罪人不拒捕而擅殺律擬絞監候并聲明張連之母孫氏守節二十餘年現年六十三歲止有張連一子家無次丁聲請留養等因具題前來查定例內開嗣後人命案內如偶然與人爭毆並無逞兇鬪狠情形而被殺之人邂逅致死伊母雖與老疾留養之律未符但果係止生一子家無次丁若守節至二十年以上又年逾五十者查明被殺之人並非孤子督撫于按律問擬之外取具印甘各結詳具本內刑部將情由聲明夾簽入本恭候

欽定是必該犯並無逞兇情形而被殺之人適傷致斃者方准加簽請旨今張連毆死王氏據屍格開載毆傷十處內致命者六傷王氏立卽斃

命並非邂逅致死與加簽請

旨之例不符至盜竊全憑証証此案干証王存柱告知屍子及到官初供俱云王氏在張連地內拔草張連說王氏偷他豆子將王氏打死等語約地張平初次報文及到案初供俱稱王氏偷豆及至覆審張平王存柱忽改稱當日看見有一堆草也有幾堆豆子又稱那豆子堆在地內不知誰人拿去等語是証既不確供詞又復前後互異明係和同附合遽將被毆已死之王氏定為偷豆罪人難成信讞再查王氏係一婦人地當曠野時值薄暮即據該犯張連供稱偷伊地豆並無讎恨何至拳脚菜桿疊毆立斃且查干証王存柱在彼牧牛年止十六地隔半里趕至王氏已不能有語所聞俱屬張連一面之詞難為確據其中恐有別情應令該撫另委賢員再加詳審妥擬具題到日再議可也乾隆十年七月奉

旨依議

救母毆人致死其母隨即自盡留養

刑部為報明事該臣等會看得蘇撫陳 題吳文有救母毆傷蔡氏致死并母戴氏自刎身死一案將吳文有擬絞并聲明救母情切援案留養等因應如該撫所 題吳文有合依闕毆殺人律擬監候秋後處決再查乾隆九年五月據護理陝撫印務帥念祖題蒲城縣民馬忠兒毆傷曹佑身死其父馬五慮子償命自縊身死一案將忠兒依律擬絞并聲明該犯之父馬五自縊伊伯馬玉光年逾七十俱無子嗣比照留養承祀之例 奏請 定奪經臣部等衙門議覆將馬忠兒免死枷責准留承祀在案此案吳文有因母被毆情急推毆蔡氏致斃傷止一處殺出無心已得照救母情切之例奏請減流况伊母戴氏本係雙瞽篤疾止生該犯一子家

無次丁若不愚昧自刎本犯吳文有寔例應留養今伊父吳瑞安雖現年六十八歲與留養之例未符但起釁相毆寔係戴氏而戴氏已因本案刎死兩家各斃一命事已均適若將吳文有擬抵非獨伊父奉養無人宗祀亦將斷絕與馬忠兒之案情事相同似可從寬可否如該撫所請將吳文有准留養親之處出自

皇上格外

隆恩倘蒙

聖恩允准令該撫將該犯枷責准其存留養親查明該犯有力無力照追埋葬銀兩給付屍親收領報部乾隆十年十月內奉

旨吳文有從寬免死照例發落准留養親餘依議

毆胞叔致死不得援承祀

刑部爲地總稟明事會議得蔣闕元致傷親叔蔣子興身死一案據

蘇撫陳 疏稱緣蔣闕元之父蔣子占作灶另爨蔣闕元妻吳氏見翁另爨疑爲隣右唆使背地出言詈罵被蔣子占聽知向蔣闕元訓誠怒欲行毆時值蔣子興在彼亦幫蔣子占扭打蔣闕元懼毆圖脫用拳一推適中蔣子興心坎倒地殞命屢審不諱將蔣闕元擬斬立決并聲明該犯父祖無祀等因查叔侄與兄弟服制雖同而名分懸殊故侄毆胞叔身死例不得引致死胞兄承祀之條此因叔與父相去一間正所以防其漸也今蔣闕元毆死胞叔雖僅一傷而心坎非可傷之地拳毆非圖脫之術卽在弟毆胞兄例內與邂逅致死者不符矧其爲叔父于情理旣無可原寬典難容濫邀應令該撫另行按擬具題到日再議乾隆十年十二月內奉

旨部駁甚是依議

聞毆絞犯父母兩弟俱係雙瞽留養

刑部爲報明事會看得袁大戮傷金魁身死一案據湖撫崔 疏稱緣金魁在四川犯案逃解回籍于乾隆四年四月二十九日經伊戚謝昭明領回五月初三日袁大賣柴行至三官廟地方撞遇金魁金魁卽向袁大借銀袁大未允金魁窺見袁大腰內帶有錢文抽奪疾跑袁大趕索金魁卽將錢擲地袁大詈罵金魁卽揪扭袁大毆打隨騎壓袁大身上袁大情急拔取小刀信手戮傷金魁左血盆骨因金魁揪扭不放又連戮其左肋胸膛殞命屢審不諱將袁大擬絞監候并聲明援例留養等因具題前來應如該撫所題袁大合依聞毆殺人律擬絞監候秋後處決再該撫疏稱袁大有父袁鵬母黎氏俱係隻贅雖有兩弟亦皆幼贅袁大又未娶妻生子家無以次成丁而已死之金魁父母俱故現有親兄金章與留養之例相符并查明該犯賣柴營生家無產業寔係無力取具印甘各結送部等語應將袁大所犯罪名併應侍緣由開具奏

聞倘蒙

聖恩准其存留養親行令該撫將袁大免死減等照例枷號兩個月責四十板仍向袁大名下照無力情重例追埋葬銀二十兩給付屍親收領釋放將該犯報部存案若不照數給付將該犯仍行監禁勒限追給捏稱已給將本犯釋放後被首出本犯不准免罪地方官交與吏部議處乾隆 年 月內奉

旨袁大從寬免死照例發落准留養親餘依議
因救母毆死母舅亦准留養

刑部爲打死父命事會看得天門縣民徐頂臣毆死母舅鄒先林一案據湖撫馬 疏稱緣徐頂臣之父買鄒先林田四畝三分係先林佃種因頂臣之母鄒氏遂欲自種先林將姊鄒氏推跌揪毆頂臣聞

母聲喊往救以拳毆先林右肋先林仍揪住不放頂臣又棍毆傷先林右腿越十二日殞命歷審自認不諱將徐頂臣擬斬等因前來應如所題徐頂臣合依卑幼毆外姻小功尊屬死者斬律應擬斬監候秋後處決再該撫疏稱鄒氏年已七十五歲止生頂臣一子家無次丁取具印甘各結送部可否留養出自聖恩等語查徐頂臣毆死小功母舅罪在不赦但救母情急尚有可原鄒氏年老寔爲可憫應將該犯罪名并應侍緣由開具奏

聞云

云

年 月內奉

旨徐頂臣着從寬免死減等發落准留養親餘依議

婦女犯姦枷罪收贖

乾隆二年三月三十日刑部爲請兩女犯枷號收贖等事議覆御史薛 條奏查婦女雜犯軍流者准收贖惟犯姦則依律的決原以懲其無耻但婦女枷號看守多人晝夜雜處未免男女無別且決杖以懲其無恥于前准贖以留其耻心于後似屬可行應如所奏嗣後婦女犯姦杖罪的決枷罪准其收贖奉

旨依議

乾隆二年十月初八日刑部准晉撫石 咨稱奉部行令婦女犯姦杖罪的決枷罪准其收贖等因查律載納贖內並未定有枷號如何收贖之文惟名例犯罪免發遣條內徒一年者枷號二十日每等遞加五日等語則枷號三十日折徒二年查徒五年俱包杖在內除包杖八十應折銀六分外其徒二年止應贖銀一錢六分五厘婦人犯姦決杖一百其枷號一個月應照徒二年除包杖八十折銀六分外止應贖銀一錢六分五厘至于親屬犯姦應枷號四十日者除決杖一百折銀七分五厘外應照徒三年收贖銀二錢二分五厘其和同

誘拐犯姦應加號兩個月者除決杖一百外應照流三千里收贖三錢七分五厘相應咨請部示等因前來據此應如該撫所議照律分別收贖可也

援 赦逃回人犯中途強索車輛錢文照不應重律治罪

刑部咨報事乾隆二年六月間議覆據三河縣防禦尚神保呈稱本年五月初三日由玉田縣廂黃旗委署驍騎校孫達善等解送寧古塔將軍咨解回籍之段金等八十七名婦人三十一名口孩子八名共一百二十六名口解送前來查看寧古塔將軍咨部封套一件有隨谷片子二張

盛京兵部派委官兵片子一張此外並無車票糧單上台因伊等強要吃食物件共給車二十一輛除伊等妻子坐車十輛外下剩車十一輛每車一輛折價要小錢五千文今到本台亦照數混要查並無糧單車票本駐防處亦無此項供應錢糧不敢越例擅動官兵銀錢照上台供給但伊等有婦人三十一名口小孩子八名因念官差緊要本防禦催車六輛伊等混鬧執意不依隨口詈罵混行要錢不遵法度任意遲延不肯行走因此照例派委官兵押解相應將情由呈報等因前來查寧古塔將軍咨解援 赦回籍之段金等共一百二十六名口該防禦未經呈報之先業據解送到部當經分發各司遞回各原籍在案今該防禦既稱段金等混索車輛詈罵要錢不遵法度不肯行走等語甚屬不合應將該犯等照不應重律杖八十折責三十板傳知各該司抄錄行文各該犯原籍查明折責發落等因查林坦初薛助助董孝基余步辛氏阮氏丁氏業經遞回原籍在案相應行文福撫將林坦和薛助助董孝基余步查明折責發落可也
訓貢未婚之妻以手致死

乾隆二十一年十一月刑部會議覆邱大弟毆傷童養妻鄧氏二妹身死一案據費撫張疏稱緣二妹年甫十一父母雙亡爲夫家接取撫育乾隆元年七月二十三日邱大弟在山鋤草二妹送飯至山手執膏梁梗在口嚼食邱大弟兄而切責隨令幫同拔草二妹倔強不依口中肆罵邱大弟因持担欲毆其脚不期二妹擡頭躲閃致中右額倒地至晚殞命將邱大弟擬絞併聲明邱大弟寔無欲殺之心且年止十三童穉無知可否援照王登毆死伊妻陸氏之案枷責完結等因具題應如該撫所題邱大弟合依夫毆妻至死律擬絞監候秋後處決該撫既稱邱二弟毆後方至勸阻不及等語應無容議再該撫疏稱邱大弟原欲打二妹之脚不料二妹擡頭躲閃誤中右額寔無欲殺之心且年止十三童穉無知其母多年孀守雖有二子邱二弟年止九歲情寔堪憫可否援照王登之例枷責完結附疏聲明倘蒙

恩准免死該犯雖事在乾隆二年四月十六日

恩赦以前其枷責之罪不予寬免等語查雍正九年二月內臣部議覆蘇

撫尹題王登毆死伊妻陸氏一案王登年僅十四伊妻陸氏年止十五尚未成婚因陸氏輒肆辱罵王登一時忿激拾取木柴擲去適中陸氏右脇殞命將王登依律擬絞監候具題奉

旨王登年僅十四幼穉無知因陸氏辱罵一時氣忿拾取木柴擲去不意適中陸氏左脇致斃王登情尚可原着以枷號完結餘依議欽遵在案邱大弟所犯情罪與王登情事相同可否將邱大弟枷責完結之處出自

聖恩倘蒙

俞允仍令該撫將邱大弟枷號兩個月責四十板不准赦免奉旨邱大弟准其援赦寬免餘依議

砍傷總麻服弟免死減流收贖

乾隆二年十一月刑部會議覆宋方砍傷總麻服弟宋福中風身死一案據署河撫尹 疏稱緣宋方携斧往庄後砍取宋福家樹枝兩根與宋福戲打宋福向宋方索要宋方止給一根宋福不滿所欲即取樹枝向毆宋方情急隨持斧迎架不期斧重力微執斧不定中傷宋福頂心負痛哭歸時伊父宋錦詢知情由延醫調治不痊殞命屢審不諱查宋方以斧尖砍傷宋福致命頂心不便議減將宋方擬絞監候等因具題應如該撫所題宋方合依毆總麻卑幼致死者律擬絞監候秋後處決但查雍正十三年五月內刑部議覆江撫謝 題丁乞三仔毆死丁狗仔一案將丁乞三仔擬絞具題 旨丁乞三仔年僅十四與丁狗仔一處挑土欺伊年幼令其挑運重筐又將土塊擲打丁乞三仔拾土回擲適中丁狗仔小腹越日殞命丁乞三

仔情有可原著從寬免死減等發落仍追埋墓銀給付死者之家欽此遵行在案今宋方年僅十三與宋福戲打宋福即取樹枝向毆宋方情急持斧迎架不期斧重力微執斧不定斧尖中傷致斃似與丁乞三仔情罪相同可否將宋方免死減流并援 赦免罪之處恭候

諭旨遵行倘蒙

俞允仍向宋方名下追埋墓銀二十兩給付屍親收領奉 旨宋方准其援赦寬免餘依議

令子毆人致死年老收贖

乾隆三年五月刑部會議覆張三道喝令伊子張二毆傷張大身死一案據直督李 疏稱雍正三年張大曾借張三道麥子五斗未還乾隆二年正月初四日張三道惡張大不向拜年輒索前欠張大出言頂撞適張大之父張自秋在旁見子無禮向其右耳根連耳輪上

毆打一掌張三道亦用拳毆張大身上兩下張大益肆囂罵張三道氣忿因年力衰邁不能復打唱令伊子張二連擊張大左胳膊脊背兩拳而散張大傷重延至初十日晚殞命屢審不諱將張三道擬絞張二擬流援免并聲明張三道年係八十以上照律議擬

奏聞等因具題應如該督所題張三道合依威力主使毆打致死者以主使之人為首律擬絞監候秋後處決再該督疏稱張三道現年八十四歲與名例所載八十以上犯殺人應死者議擬奏

聞之例相符等語相應照例聲明恭候

諭旨遵行倘蒙

聖恩免其絞抵行令該督着落張三道名下照例追埋葬銀二十兩給付屍親收領以為營葬之資聽從伊父張三道主使毆打之張二合依下手之人為從論減一等律減一等杖一百流三千里但張三道事

犯在 赦前相應援免奉

旨張三道從寬免死餘依議

年未及歲毆死人減等收贖

刑部為哭伸子命事會議得高鄉寧毆死楊有子一案先據署蘇撫喬 將高鄉寧擬絞監候具題經刑部等衙門議覆奉

旨九卿議奏欽此查高鄉寧之父高燦然係楊有子業師因索錢無償呪罵其師高鄉寧始行斥責楊有子以頭撞地奪其腐乾棄擲以致高鄉寧用拳還毆楊有子回家殞命高鄉寧童年誤犯情有可原應將高鄉寧免死減等杖一百流三千里年未及歲照律收贖仍追埋葬銀二十兩給付死者之家餘仍照刑部等衙門原議可也雍正十年月內奉

旨依議

叛案内逃流篤疾收贖

刑部爲乞憐殘疾等事據福撫盧 咨稱流犯林迥卽林得隆兩目
雙瞽一案緣林得隆係薛彥文謀叛案内擬流于康熙六十年解赴
山東武定州安置該犯于雍正二年逃回先據報獲業經補配乃該
犯復于雍正五年在配潛逃流落外方至十三年正月內回至連江
縣住歇廟內經縣訪知緝獲審擬給發咨牌行據該縣將林得隆遞
解補配至閩縣地方適因患病詳明留養隨據林得隆以兩目雙瞽
懇請矜全等詞赴院具呈茲據閩縣驗明詳復前來查律載凡廢疾
流犯以下收贖等語今林得隆雙目俱瞽雖據驗明結報已成篤疾
但該犯係叛案擬流兩經在配逃回復獲可否收贖律例查無明文
若與贖例不符則應仍行補配擬合咨請部示等因前來查叛案流
犯廢疾雖無收贖之條但律載篤疾犯殺人應死者議擬奏

聞取自

上裁收贖等語是罪非應死而成篤疾者應與收贖與必候奏請者有間
查林得隆原非謀叛寔係強盜未行案内爲從者之犯因閩爲山海
重地該撫原題疏內將林得隆比照謀叛未行爲從擬流今雖兩次
在配脫逃但雙目俱瞽已成篤疾律尚可寬應令該撫准其收贖交
與地方官嚴行管束可也乾隆三年十二月十三日福撫准咨

造牌軍犯年老收贖及存留牌板未經查出後雖拏獲功過相抵
乾隆四年正月刑部會議覆閩縣民連維祥製造紙牌一案據福撫
盧 疏稱連維祥向習雕刻年老改業在廈門隻身肩挑度活有弟
連維任亦係單身與連維祥分居于乾隆二年六月內身故連維祥
聞知回至弟家卽住連維任之屋八月十五日屋被風火連維祥上
屋蓋瓦見有廢棄不全牌板一塊代椽鋪瓦連維祥因艱于肩挑度

活隨即檢下起意賣牌將牌板自行修整齊全于閏九月十三日買備紙張積有牌胚一百八十張至十五日正在晒晾當經福防廳訪知差役會同營縣兵役拘獲到案屢審不諱查不全牌板原係廢棄之物寔非舊存賭具連維任已經身故無從追訊將連維祥擬軍弁聲明該犯年逾七十取具印甘各結送部請予收贖等因具題應如該撫所題連維祥合依民人造賣紙牌爲首例發邊遠充軍該犯年逾七十照律收贖該撫既稱地保隣佑訊無受賄容隱該犯亦無同居親屬均請免議等語應均無庸議其牌板牌胚飭令銷燬再該撫疏稱此案廢棄不全之牌板與舊存有間無失察處分連維祥新造係在半年以內所有應敘職名首先緝拿文職係福州府海防同知吳琰協拿文職係閩縣知縣劉辰駿協拿武職係福州府海防同知千總李錦其首先查拿之文職上司應于歲底照例查明彙冊報部協拿武職上司例不議敘理合聲明等語查此案該撫雖稱廢棄不全之牌板與舊存有間無失察處分等語但查連維祥係將廢棄不全之舊存牌板修整造牌寔非新造可此今既訪獲止應功過相抵免其失察處分其所請福州府海防同知吳琰協左軍千總李錦等議敘之處應毋庸議奉

旨

口啞耳聾毆死人不作篤疾

刑部爲毆死弟命事會看得兼湖縣民潘玉受毆傷潘緒元身死一案據安撫孫國璽疏稱緣潘玉受自幼聾啞潘緒元從伊父潘斗明學習箍桶乾隆三年四月十八日潘玉受見緒元所做面盆粗率指令重做潘緒元不允兩相爭鬧將緒元推跌玉受拳毆緒元左眼胞并右脇倒地經朱永德勸散緒元傷重于是晚殞命屢審潘玉受因

聾啞不能言語惟作手勢認打情形與見証朱永德所供無異將潘玉受擬絞監候秋後處決再該撫疏稱查名例內開篤疾犯殺人應死者議擬奏

聞等語雖律註內未曾指明聾啞但潘玉受口啞耳聾寔屬二事俱廢除取具印甘各結送部外相應附疏奏

聞統聽部議等語查潘玉受年二十四歲智力尚能過人况律內並無聾啞犯殺人應死者亦准奏請之文應將該撫所稱潘玉受聾啞附疏奏

聞之處毋庸議等因于乾隆四年七月初五日奉旨依議

七歲幼童毆死人命免其治罪

刑部爲哭伸子命事該臣等會看得王官毆傷王山柱身死一案據

安撫陳疏稱王官與王山柱同姓不同宗兩人均屬孩童乾隆四年三月二十三日王官牧牛踐食王山柱家田麥王山柱將牛趕開旋騎于牛背之上用棍將牛亂打王官詈罵併赴拉牛詎牛因拉驚竄致將王山柱撲跌于地棍遺身旁王山柱被跌哭罵王官拾取王山柱之棍連毆王山柱脊背二下王山柱傷重於三月二十七日殞命屢審不諱將王官依律擬絞等因具題前來據此應如該撫所題王官合依鬪毆殺人律應擬絞監候秋後處決再該撫疏稱王官犯事時年止七歲相應取具印甘各結照律附疏奏

聞等語查律載凡年八十以上十歲以下犯殺人應死者議擬奏聞取自

上裁九十以上七歲以下雖有死罪不加刑又律註內仍以不加刑緣由奏

聞等語今王宮毆傷王山柱身死時年止七歲應不加刑相應照例以不加刑緣由奏

聞乾隆五年 月內奉

旨王官桂照例免其治罪

病後癱瘓兩足拘攣不作廢疾

刑部會議復直督孫 題宣化縣民武正鶴戳傷劉興泰身死一案應如所題武正鶴合依鬪毆殺人者不問手足他物金刃並絞律應擬絞監候秋後處決再該督疏稱該犯武正鶴戳傷劉興泰身死之後染患傷寒病症致成癱瘓兩足拘攣不能站立寔係篤疾等語查名例內開凡年八十以上十歲以下及篤疾犯殺人應死者議擬奏聞取自

上裁等語查篤疾律內載有瞎兩目折兩肢並無病後癱瘓之條以瞎目

折肢係終身之疾而病後癱瘓未嘗無全愈也今武正鶴年僅三十二歲氣血未衰雖因傷寒病後偶涉風症若加調治尚可漸次痊愈豈得與瞎兩目折兩肢終身不愈者並稱篤疾再查醫生稟內武正鶴于乾隆四年八月內傷寒病痊之後週身發木兩足拘攣難以行動等語是其患病時日未久何以見其終不痊愈卽行出結援例詳請竟將武正鶴免死釋放日後調治痊愈則殺人重犯公然漏網此端一開將來一應重犯希冀免死賄通醫卒假作風癱因而官吏乘机營私種種流弊均未可定應將該督所請武正鶴病後癱瘓援照篤疾之例之處無庸議等因乾隆五年九月奉

旨武正鶴依擬應絞着監候秋後處決餘依議

開棺見屍首賊擬絞因瘡毒成篤疾收贖

刑部爲報明事會看得監生梁思悟妻坟被發續獲首賊翟三一案

據直隸總督孫 疏稱緣翟三撞遇劉忠方四言及貧苦翟三知梁思悟妻坟新墓起意發掘商之劉忠等允從翟三又邀畢闖子入夥是夜翟三畢闖子各帶鉄鋏等物與方四劉忠階至坟所輪流挖開墳土撬開棺盖剝取衣飾等物將屍仍放棺內携贓當錢俵分而散旋據緝獲畢闖子劉忠審明招解而劉忠旋在清苑縣監病故業將畢闖子依例充軍咨准部覆行令飭緝首犯翟三等在案今據緝獲翟三到案審認不諱將翟三擬絞等因具題前來應如該督所題翟三合依發掘他人坟塚開棺見屍律應擬絞監候秋後處決照例刺字再查翟三染患毒瘡以致右腳掌左腳五指俱行脫落不能起立寔屬篤疾取有印甘各結送部相應照例奏

聞恭候

欽定倘蒙

聖恩准其免死行令該督將翟三照例收贖可也乾隆六年三月內奉旨翟三從寬免死照例收贖餘依議

瞽目傷人至死

乾隆六年五月刑部會看得姬安毆傷李四身死一案據河撫雅疏稱姬安二目雙瞽曾賒李四黃豆一升當經還錢二十下欠十文未楚李四往索因姬安無錢清還輒肆詈罵姬安回罵李四即將姬安左手打傷姬安卽用吃飯磁碗摔傷李四左血盆李四上前毆打將姬安扭結姬安情急摸取破碗毆傷李四左肩甲倒地殞命屢審不諱將姬安擬絞奏請上裁等因具題應如該撫所題姬安合依聞毆殺人律擬絞監候秋後處決查律內篤疾犯殺人應死者擬議奏

聞取自

上裁等語應將姬安所犯罪名照律擬議奏

聞取自

上裁倘蒙

聖恩從寬免死行令該撫將姬安照律收贖可也奉

旨姬安從寬免死照例收贖

闖毆殺人擬絞兩目失明收贖

刑部為稟報事會看得奇遇臺灣縣原籍龍溪縣民李妙戳傷柯耀

身死一案據福建巡撫王 將李妙擬絞監候并將李妙兩目失明

印甘各結送部等因具題前來據此應如該撫所題李妙合依闖毆

殺人者不問手足他物金刃並絞監候律應擬絞監候秋後處決再

李妙于解司後患病兩目失明已成篤疾據該撫取具印結送部應

將李妙所犯罪名并已成篤疾之處照律奏

聞取自

上裁倘蒙

聖恩准其免死臣部行文該撫將李妙照律收贖仍追埋墓銀二十兩給

付屍親收領等因乾隆六年十一月十七日奉

旨李妙從寬免死照例收贖餘依議

警日傷人至死

乾隆七年 月刑部會看得曹瑞戳傷翟起身死一案據蘇撫陳

疏稱緣曹瑞自幼雙瞽與翟起熟識並無嫌怨曹瑞與閆振菴同坐

門首因翟起經過曹瑞聞聲邀坐翟起嗔曹瑞坐而未起即罵旋赴

葉汝起家飲水曹瑞至葉汝起家吃飯詎翟起見曹瑞復罵曹瑞還

詈翟起掌擊曹瑞之面致傷曹瑞左腮脰曹瑞口咬翟起左手腕翟

起取木棒毆曹瑞髮際曹瑞情急即拔身佩小刀向翟意圖嚇退不

期瞽目莫視適中翟起左乳殞命將曹瑞擬絞監候係雙瞽照律奏聞等因具題應如該撫所題曹瑞合依鬪毆殺人律擬絞監候秋後處決該撫疏稱曹瑞兩目俱瞽係篤疾相應聲明恭候

欽定等語應將曹瑞所犯罪名議擬奏

聞倘蒙

聖恩准其從寬免死行令該撫將曹瑞照律收贖仍追埋葬銀二十兩給付屍親收領可也奉

旨曹瑞從寬免死照例收贖餘依議

死罪監犯篤疾不准奏減

刑部爲據寔奏明等事議覆偏撫蔣溥奏湘鄉縣民趙榮楊毆傷無服族姪趙文美身死一案查名例內篤疾犯殺人應死者議擬奏

聞取自

上裁等語此指未經題結現在審擬者而言至于已經題結或成瞎目折肢之類秋審時不將此等人犯概擬可矜者蓋秋審可矜例應減流而篤疾之人凡遇軍流等罪俱得收贖是應死之人竟得脫然漏網也况已定之成案旣因篤疾而請減因減而得收贖人情貪生惡死苟可免死則情偽百出勢必有非篤疾而捏稱篤疾或較量于輕重之間不惜折肢瞎目以倖全其性命者且人之瞎目折肢雖案已成而偷生有路又必有逞兇肆惡致死人命而藉此以圖倖免抵償者故秋審定例止就其現在所犯情罪分別定擬倘該犯寔有可原之罪雖非篤疾亦應擬矜減若使情罪重大無可矜原雖成篤疾亦不當曲爲寬縱立法本意至爲深遠今查趙榮陽毆死無服族姪趙文美一案緣趙姓公祠朽壞趙文美倡衆捐修趙榮陽欲砍伐公山樹木作費衆未允從趙榮陽遂邀趙明楊等砍伐一百九十七株趙文

美報鳴族衆理論彼此爭詈趙文美用掌向擊趙榮楊用拳毆其左肋趙文美拾取柴棍向毆趙榮楊奪棍毆傷其左手背趙文美曲身另拾柴棍趙榮楊又棍傷其後臀而奔趙文美趕毆趙榮楊傷其左賺肋骨斷殞命自題結之後秋審三次俱擬以緩決在案今該署撫奏稱前撫臣未將該犯篤疾寔情於冊內聲明恐難入于可矜勢必仍繫囹圄等語查秋審之時止應詳核案情不得牽引律例若將久經題結現入秋審之案援引律例借端寬縱卽如篤疾一項本身犯罪既得援例請減依類而推則犯人之父母篤疾無人奉侍又應援例奏請留養矣况律例條款甚多自篤疾而外更不知凡幾若俱聲敘情由將斬絞重犯概從寬減開一倖免之門不特流弊無窮且於秋審成規亦屬有碍此案趙榮楊違衆砍伐公山樹木致趙文美互相爭角既毆其左肋手背後臀又棍毆其賺肋骨斷兇毆斃命情無可原所請無庸議乾隆八年九月內奉

硃批這所議是依議

救父情切誤傷大功兄身死因年未及冠減等收贖

刑部爲稟明事會看得賈如珠救父情切戳傷大功兄賈如珩身死一案據雲督兼理巡撫印務張 將賈如珠依律擬斬立決刺字並聲明年未及歲救父情切援例兩請等因應如該督所題賈如珠合依卑幼毆大功兄死立斬律應擬斬立決再該督疏稱賈如珠救父心切情堪憫惻聲明援例兩請等因查乾隆五年閏六月內臣部議覆御史劉芳藹條奏嗣後遇有姪毆胞伯叔父母而其子救父母情切毆死大功兄者俱核其案情分別奏請等因奏准通行在案今查賈如珠之父賈良傑係已死賈如珩之親叔賈如珩將伊叔按住狠毆兇惡已極已犯姪毆伯叔父母傷者罪應杖流賈如珠見父被狠

毆力弱難救拔身佩小刀異其釋手誤中肚臍寔屬救父情切賈如珠例應減流但該犯年止十五尙未及歲與收贖之例相符應照例聲明伏候

諭旨遵行如蒙

聖恩准其減流臣部行令該督將賈如珠照例收贖仍向賈如珠名下追埋葬銀兩給付屍父賈夢祥收領可也乾隆九年六月十八日奉旨賈如珠從寬免死照例減等收贖餘依議

毆官奪犯之人雖廢疾不准收贖

刑部題爲報明事會看得叅革典史何文燦拿獲楊士玉被盜案內詐贓捕役鄭經被鄭綸等毆奪一案先據直督唐 將鄭綸擬以流徒併聲明鄭經病故鄭綸兩目全瞎照例收贖具題兩經臣部以鄭綸倚杖青衿聚眾奪犯將本官典史何文燦撕衣混打有干法紀輕

之毆傷差人者請更克悍總成篤疾法難寬宥自應照律擬議以儆刁風承審各官因執前擬希圖率結殊屬不合應令該督再加詳審妥議等因題駁去後今據該督將鄭綸擬以流罪在監病故無庸議倪從周仍擬徒罪等因前來鄭綸依官司差人捕獲罪人聚眾打奪律杖一百流三千里該犯已經病故應無庸議收留逃走流犯鄭經之倪從周依知人犯罪事發官司差人追喚而藏匿在家者減一等律杖一百徒三年至配所折責四十板雍正九年八月奉

旨依議

十二歲闖毆殺人減等收贖

刑部爲結狀事會看得晉撫阿 審題程台明子扎傷程丑小子身死一案程台明子合依闖毆殺人律擬絞監候秋後處決再查雍正十年五月十四日臣部等衙門議覆原任江撫謝旻題丁乞三仔毆

死丁狗仔一案將丁乞三仔依闕殺律擬絞具題奉

旨丁乞三仔年僅十四與丁狗仔一處挑土丁狗仔欺伊年幼令其挑運重筐又將土塊擲打丁乞三仔拾土回擲適中丁狗仔小腹越日殞命丁乞三仔情有可原從寬免死減等發落仍追埋葬銀兩給付死者之家欽此欽遵在案今程台明子持刀削梨因被程丑小子掌擊抵戳傷及程丑子心坎殞命程台明子年甫十二較之丁乞三仔之案更屬幼穉可否援照丁乞三仔之案免死減等併照年未及歲准予收贖之處恭候

諭旨遵行倘蒙

聖恩准其減等行令該撫將程台明子照例收贖仍追埋葬給領可也乾

隆九年十月二十三日奉

旨程台明子從寬免死照例減等收贖餘依議

故殺小功堂姪年老收贖

刑部爲活殺沉寃等事會看得祝庚將祝多推入河內溺死一案據原任安撫范 疏稱祝庚係祝多小功堂伯祝多于雍正年間承充摠催侵蝕花戶錢糧負累祝庚賠納祝多又盜賣族衆祠田逃走數年未歸族人責令祝庚歷年賠租辦祭乾隆七年十二月十三日晚祝多潛回祝庚聞知于次日清晨喚仝伊子祝三十前赴祝多家索銀贖田還祠祝多出言挺觸祝庚掌毆其腮脰并拳毆其左肋左臂膊拉令投鳴族衆祝多堅不肯往祝庚又拾柴棍毆打祝多兩臂右膝并取祝多家繩索套入祝多頸項拉之前行喝令祝三十在後幫推而走祝多一路強嘴不服祝庚頓起殺机與之拚命經過河邊祝多祝三十均未防備祝庚突然轉身將祝多推入河內旋亦自投水中祝三十倉皇急救父而祝多已入深流不及援救遂致淹斃屢

例案續增 卷二
審供認前情委屬祝庚臨時起意致死祝三十並無全謀加功情事
將祝庚依律擬絞監候等因應如該撫所題祝庚合依尊長故殺小
功堂姪律擬絞監候秋後處決再祝庚殺人死罪現今年已八十應
照律奏

聞恭候

欽定倘蒙

聖恩免其擬抵照律收贖仍在該犯名下追埋墓銀二十兩給付屍親收
領可也乾隆九年十月二十四日奉

旨祝庚從寬免死照例收贖餘依議

不行又不分贓之夥盜年未及歲收贖

刑部爲黑夜抄擄等事會議得林木生等行劫何明萬家一案據湖
南巡撫蔣 疏稱除盜首潘榮茂夥盜潘榮昌等病故不議外將林

木生江木生擬以斬決刺字并聲明情有可原江木生犯罪時年只
十五照律擬流鄧四滿年甫十四尚屬童穉擬杖收贖等因具題前
來應如該撫所題林木生照例免死減等刺字解部發黑龍江給與
披甲人爲奴江木生照情有可原之例夥盜內如果年止十五以下
審明寔係被人誘脇隨行上盜無論分贓與不分贓例杖一百流三
千里刺字鄧四滿依夥盜不行又不分贓律杖一百該犯年未及歲
照律收贖免刺楊言方審係逼脅同行又未分贓但不行首報應照
律杖一百乾隆九年十一月十九日奉

旨依議

年未及歲毆殺人減等收贖

刑部爲活活打死男命事會看得護湖撫張 審題王石苟毆傷王
福生身死一案王石苟合依鬪毆殺人律擬絞監候秋後處決再查

臣部議覆江西巡撫謝旻題丁乞三仔毆死丁狗仔一案將丁乞三仔依鬪毆殺人律擬絞監候具題奉

旨丁乞三仔年僅十四與丁狗仔一處挑土欺伊年幼令其挑運重筐又將土塊擲打丁乞三仔拾土回擲適中丁狗仔小腹越日殞命丁乞三仔情有可原著從寬免死發落仍追埋葬銀兩給付死者之家錢遵在案今王福生欺王石苟年幼先以石塊打傷王石苟右肩甲王石苟負痛情急亦拾石塊回擲適中王福生右額角次日身死王石苟犯時年止十三尙未成丁正與丁乞三仔之案情罪相符將王石苟援照丁乞三仔免死減等追埋並從寬年未及歲准予收贖之處恭候

諭旨遵行倘蒙

俞允仍向王石苟名下追埋葬銀兩給付屍親收領可也乾隆三年七月

十三日奉

旨王石苟從寬免死准其收贖餘依議

幼僧毆人因抓落血痂傷風身死擬流納贖

刑部爲稟報事會看得僧人定永劃傷牛黑姓子中風身死一案據

山西巡撫阿 疏稱緣定永在榆邑東長壽村爲僧牛黑姓子曾在

該村傭工彼此認識牛黑姓子前往索討工資誓住定永寺內與定

永著棋賭酒定永輸酒一壺牛黑姓子促其沽飲定永答以係屬頑

耍不肯往買牛黑姓子卽拳毆定永定永被毆哭罵牛黑姓子復向

撲打定永隨以手持鉄烟袋招架劃傷牛黑姓子左眼胞一處經雇

正才勸散經定永之師徹玉留寺調養已漸平復牛黑姓子出外討

取錢文將血痂抓落以致傷處中風調治不效殞命屢審不諱將定

永擬流收贖雇正才等擬杖等因前來應如該撫所題定永合依原

傷案續考 卷二 三
毆傷輕後因傷風而死者例應杖一百流三千里仍追埋葬銀二十兩給付屍親收領該犯犯罪年止十五照律收贖勒令還俗雇正才勸阻不力照不應重律杖八十時逢熱審減一等杖七十但係因人連累致罪定永既得收贖雇正才亦應照律收贖徹玉招受定永爲徒時雖年未四十但在未經定例以前應免置議乾隆十年九月奉旨依議

十四歲犯死罪後減流收贖

刑部爲慎刑奉有

恩綸等事據福撫盧 咨稱查得候正拾石擲傷侯更身死一案將該犯審擬絞抵具題緣上年秋審可矜奉准部覆免死減流飭查妻室發遣仍追埋葬銀兩給付屍親收領等因查名例內開凡年十五以下犯流罪以下收贖又律載犯罪時幼小事發時長大依幼小論等語

今候正犯事時年止十四與律相符應予以收贖免遣除飭追埋葬銀兩給付屍親收領取領具報外相應咨達等因前來據此應如該撫所請將候正照律收贖可也

十五歲以下毆人致死必查與丁乞三行情罪相符援例減等

刑部爲刑名辦理互異等事會議得監察御史萬年茂奏稱雍正十年丁乞三仔年僅十四毆傷無服族兄丁狗仔身死奉

宗憲皇帝恩旨丁乞三仔從寬免死減等收贖乾隆三年則有蕭小胖子謝金年俱十五乾隆八年則有洗亞木年甫十一俱經援照丁乞三仔之案題請減等收贖各在案本年六月內有熊宗正與熊四漢爭棗起釁毆傷熊健候身死熊宗正年僅十五刑部會議稿內並未援案聲明辦理未免參差臣請嗣後凡遇年未及歲之案法司核其情罪較輕者于按律擬抵之後聲明情有可原兩請奏

聞至情寔屬較重應行照律定擬者亦于疏內將不便援引成案之處一體聲敘恭候

欽定今熊宗正此案臣不敢扶同畫題爲此冒昧具奏續據刑部尚書盛爲刑名辦理異同有因等事查熊宗正毆死無服族祖熊健候一案實由于熊宗正拾棗熊健候雖徒手趕毆而宗正並未受有一傷宗正所持者金刃之兇器所傷致命之顛門較之丁乞三仔情案稍重法司定議之初卽爲援案奏請則過于寬縱該御史簽商臣部不敢遷就者以此向例奉

旨三法司核擬具奏之案如三法司衙門意見不同例應兩議具題請旨欽定今此案臣部現在會稿尚未具題該御史奏請勅下廷議合將從前辦理異同緣由一並此案不行援案請旨情節逐一聲明等因奉

旨刑部專司刑名其辦理各案前後互異之處必有緣由萬年茂旣未深知又不向該部詳查但據已見卽行陳奏未免急遽此案現交九卿議覆著將盛安所奏一併交九卿妥擬欽此查十歲以下犯殺人者猶必擬罪取自

上裁而十五以下不得並請援免蓋以膂力漸剛難比幼小無知不便概予寬典此定例慎重民命之意也惟雍正十年丁乞三仔一案奉持恩寬免以後蕭小胖子等案情罪相同援案上請尤爲法外原情並非示爲成例今該御史萬一案不爲援請辦理未免參差尚書盛以年至十五已能爲殺人之事自應按律擬抵其中情最輕而可憫者援引

恩旨奏請

上裁亦可偶一行之其餘情雖少輕而未至甚可憫者咸于秋審時擬以

可矜或於

持恩清理刑獄時酌議原減未便逐案聲明等語伏查丁乞三仔毆死丁狗仔原案奉

旨丁乞三仔年僅十四與丁狗仔一處挑土丁狗仔欺伊年幼令其挑運重筐又將土塊擲打丁乞三仔拾土回擲適中丁狗仔小肚越日殞命丁乞三仔情有可原著從寬免死照例減等發落仍追埋葬銀兩給付死者之家欽遵在案是丁乞三仔所以得邀

寬典者寔因丁狗仔較伊年長丁乞三仔先被欺凌非自作拾土不爲兇器誤中又屬無心以故得從末減理也今熊宗正與熊健候相毆宗正並未受傷而遽持金刃之兇器傷及致命之顙門較之丁乞三仔案情寔重不便從寬除熊宗正一案應俟該部另疏具題外請嗣後凡遇有十五以下殺人之犯令該督撫查明寔與丁乞三仔情罪

相等者援例聲請聽候

上裁乾隆十年九月奉

旨依議

九歲殺人收贖

刑部爲轉報事會看得幼孩成小六毆傷趙三保身死一案據貴督張疏稱緣趙三保隨父趙有財至許爾位家帮工同往田中割穀成小六在山放牛拾取青崗樹子堆放在地趙三保望見亦赴同檢趙三保將成小六所檢樹子拋散成小六亦將趙三保所檢樹子拋撒趙三保拾茨棍打破成小六頭頂成小六隨拾放牛竹棍趕毆趙三保右肋一下趙三保回身欲打成小六復毆傷趙三保左耳門右額角倒地殞命屢審不諱將成小六擬絞併聲明成小六毆死趙三保之時年僅九歲照律擬議奏

聞等因應如該督所題成小六合依聞毆殺人律擬絞監候秋後處決查
成小六毆死趙三保時年甫九歲照律奏

聞倘蒙

聖恩免其擬抵照律收贖仍將埋葬銀兩給領可也乾隆十年十一月十
四日奉

旨成小六從寬免死照例收贖餘依議

叅員廢疾收贖

乾隆六年五月刑部議覆東撫朱 訥稱叅革鹽法道楊弘俊因素
取康永泰人參等物計贓擬流限內完贓題准將楊弘俊原擬流罪
照例減一等徒三年在案嗣據楊弘俊以年老瘋癱廢疾呈請援例
收贖隨行據布政司魏定國等詳稱查驗楊弘俊寔係手足瘋癱已
成廢疾難以發配請照廢疾收贖之例准其收贖等情取具印甘各

結理合具題等因當經臣部以一切保題事件例應知府加結今此
案止有該縣印結並無知府加結而該撫疏內又未將知府因何不
行加結情由聲明未便遽行題覆應行文該撫將知府因何不行出
結或另有別情之處詳細聲明報部如果並無別情卽飭令該撫驗
明據寔加具印結送部以便核覆去後今據該撫朱 咨稱行據濟
南府知府梁彬詳稱楊弘俊前以手足瘋癱具呈收贖當據該縣查
驗詳覆去後據轉因未親驗是以並未加結非另有別情今已親驗
明確楊弘俊手足瘋癱是寔加具印結詳送等情擬合送部等因前
來查律內犯罪時雖未老疾而事發時老疾者依老疾論又律載廢
疾犯流罪以下收贖等語今該撫既稱擬流減徒之楊弘俊寔係手
足瘋癱已成廢疾題請照例收贖取有該縣府印結送部應如該撫
所請准其照律收贖再查楊弘俊手足瘋癱之處該撫既經批府飭

縣查驗該府梁彬卽應確查加結轉詳具題乃並不查明加結及至
臣部咨查該府始行加結詳覆殊屬不合應令該撫照例查叅奉
旨楊弘俊原係計贓擬流之犯既經援例減等爲徒今又以廢疾題請收
贖如此則貧劣之員竟可脫然法外矣况所稱廢疾又未必確寔楊弘
俊不准收贖未定元題請不合著嚴飭行朕看近來各省督撫于此等
案件每多寬縱並將此旨傳諭知之欽此

盜犯已成篤疾准其收贖

乾隆七年 月刑部會議覆盜犯張久隆等行劫趙雲路家一案先
據河撫雅 將張久隆孫先史秉正俱擬以斬決范成秀傅廷選擬
以發遣并聲明傅廷選因患脫骨疽已成篤疾等因具題經臣部等
衙門將張久隆孫先史秉正俱應如該撫所題擬斬立決范成秀發
遣傅廷選一犯該撫雖稱因患脫骨疽已成篤疾但並未取有印甘
各結送部不便遽議應令該撫取具印甘各結另行具題到日再議
等因咨行去後今據該撫疏稱傅廷選寔係染患脫骨疽右脚脫落
并脫去左脚五趾已成篤疾取具印甘各結送部等因具題查律內
篤疾犯殺人應死者議擬奏

聞取旨

上裁盜及傷人者亦准收贖等語應將夥盜傅廷選照律奏

聞倘蒙

聖恩准其收贖行令該撫免其發遣追取收贖銀兩取具庫收送部奉
旨傳廷選准其收贖餘依議

軍犯中途患病已成篤疾遞回原籍安插

乾隆八年六月刑部咨覆據廣撫王 咨稱軍犯張汝知係廣西省
義寧縣桑江逆苗案內審擬邊衛克軍押發南海縣着伍之犯先以

軍衛道里表開載粵西桂林府屬邊衛並無發南海縣之語經議改
發江西省建昌所着任咨准部覆就于粵東轉解因時值隆冬遵例
停遣隨據南海縣詳報該犯在監兩目染疾業經飭醫調治續據該
縣以張汝知兩目旋螺高起翳膜內障已成篤疾難以治痊取具印
甘各結申府詳繳又經前司批飭廣州府驗明張汝知寔係兩眼已
成篤疾並無捏飾情弊加具印結相應咨部將該犯遞回西省免其
發遣等因前來張汝知應如該撫所咨免其發遣遞回原籍廣西安
插可也

行查入官房地估變報毋聽侵匿

刑部爲敬陳各省等事准戶部咨稱本部議復總漕顧 條奏虧空
分賠入官田房一案查各省入官房產該督奏稱田房限年承變而
依限完結者百無一二應將原估數目稍爲變通以清帑項請將官

房一項就現在間數覈定價值田畝照依原估數目更爲籌及傾鏹
起解添色添平等費詳請覈定造冊送部作速變賣嚴查胥役不得
阻撓價值既平民必樂從爭售雖與原估之數稍間而帑項不致虛
懸等語前項各省入官房屋田畝遞年以來據各督撫遵照辦理每
至年底將田屋已未變價及租息變價數目報部查覈但自查估定
價之後已經數年房屋間有坍塌傾圮亦未可定應再通行直省督
撫嚴飭各屬將入官房地查照石麟原奏覈明時價據寔變售其傾
鏹平色等費統照高其倬原議原估市平市色傾足部平紋銀九折
解部原估庫平仍照庫平變價交納并將覈定價值先行報明入官
衙門查覈如有不肖官吏借名覈減希圖侵匿等弊該督撫察出指
名題參至入官田地按州縣而計畝數原屬無多若照該督所請每
戶分給田畝焉能人人遍及勢必彼此紛爭况既係無業窮民卽寬

例案彙編 卷二 七
其年限責令交價或有不能依限完交者更須催追勒比轉滋擾累殊爲未便應將該督所奏入官田畝均分無田丁民之處毋庸議如果入官田地一時不能盡行變價仍令暫行召種輸租報部查覈可也等因乾隆元年三月初九日奉

旨依議

假印捐納得贓累萬身死勿徵

刑部嚴飭拿究事看得楊令煥假印包捐騙銀一案據江撫常疏稱緣雍正四年八月十六日許汝登邀鍾無加商以假照誑騙取營田府印式給與鍾無加覓人雕刻至刻字匠楊令煥店內許銀十兩當付二兩楊令煥私刻假印付鍾無加陸續攬李登龍陳佳文賴永熊劉芳世捐監議銀一百六七十至二百四五十兩不等卽帶假印交許汝登做假照交李登龍等李登龍劉芳照議兌銀收足陳佳文

等約行知到後交銀至雍正七年十一月內許汝登以前印無存復令無加覓令煥雕成司印并營田府印各一顆交汝登續做蕭金麥等假照五張捏造司檄知照到縣無加先後共收銀一千五百六兩五錢五分給汝登銀六百二十兩餘銀無加花用屢審不諱除許汝登鍾無加病故不議外將楊令煥擬斬監候具題前來據此楊令煥合依假造印信只圖誑騙財物爲數多者爲首雕刻例應擬斬監候秋後處決恭逢雍正十三年九月初三日

恩赦楊令煥應免罪該撫旣稱託捐各人及李登龍等不知情已經省釋鍾無加許汝登已經物故所得銀兩照律免追等語應毋庸議楊令煥所得之銀照追入官假檄飭令銷燬等因乾隆元年七月內奉

旨依議

未獲逃犯援免緝拏贓銀豁免

刑部爲咨請斥革事議得原任春江協右營斥革外委把總陳成與
漁戶陳鵬等分授撈獲番商銀兩一案先據前任廣督郝 咨稱緣
雍正八年八月內有馬吧喇國番船遭風飄至陽江縣屬海陵三山
尾海面擊碎沉失銀貨經守備林景檄行撥兵役看守不許撈搶因
漁戶陳鵬黃傑才等六人合夥三山海面採捕于十二月初八日晚
網獲一箱有銀二千一百兩六人議分適陳成帶兵黃棟等駕船前
往查知情由遂令均分議定抽銀一百兩送修神廟餘銀兩股均分
又被捕魚之鄭惠馨等聞知過船索分陳成詐爲承允令其回船將
銀分開陳鵬黃傑才等六人得銀一千一百兩存留修廟銀一百兩
每人分銀一百六十兩餘銀四十兩留爲酬神費用陳成帶回銀一
千兩分給黃材等九人共銀四百七十五兩九錢陳成得銀四百九
十四兩一錢耗少銀三十兩而鄭惠馨等於次早往索分銀陳鵬答
其銀已分訖未有派及遂給鄭惠馨等銀錢八個鄭惠馨等不甘赴
營稟首屢番不諱將陳成照得遺失物限外不送官者坐贓論四百
兩杖九十徒二年半係私物減二等律應徒一年半至配所杖七十
折責二十五板陳鵬黃傑才等六人各應追銀一百六十六兩零黃
棟等九人共得銀四百七十五兩九錢均照律分別擬以杖笞并聲
明黃傑才先於莫本忠詐贓案內擬以杖六十徒一年應歸彼案從
重發配陳成等各名下所得贓銀照追給還番人收領等因咨部經
臣部行文該督將陳成等均照所擬徒配杖笞發落追贓完結等因
去後今據該督疏稱查陳成等各犯共未完給主贓銀一千五百八
十六兩八錢六分零八毫寔係無可著追可否准予豁免等因前來
查定例內給主贓三十兩以上監追一年之上不能完納者勘寔贓
數多寡奏請

定奪等語今該督既稱陳成等各名下應追未完結主贓銀共一千八百四十三兩三錢三分三厘陸續完過銀二百五十六兩四錢七分二厘二毫尚未完銀一千五百八十六兩八錢六分零八毫行追數載屢催未據各該犯完繳勘明寔係無力完繳並無隱匿取印甘各結可否准予豁免恭候

諭旨等語應將陳成等各名下未完給主贓銀無力完繳緣由照例聲明奏請恭候

諭旨遵行再該督疏稱徒犯陳成已准部覆援赦免罪至在逃未獲之李道文亦與赦欵相符應否免緝聽候部議等語查李道文名下尚有應追給主贓銀倘蒙

聖恩准其豁免應援赦准其免緝等因乾隆二年九月初九日奉旨陳成等應追銀兩准其寬免餘依議

